


隸續





漢書門			
二	四	七	九
一	二	九	九
六	五	函	號
冊	架		類

內閣文庫			
元	二	四	漢
函	七	九	書
一	六	九	類
架	冊	號	

內閣文庫			
番號	漢	2479	
冊數	6(2)		
函號	297	118	

五





隸續卷第五


碑圖上

淺草文庫

右樊敏碑兩獸蟠其上就為圭首若今所謂顛顛者
其一有鱗猶龍然篆額兩行偏其右文在穿下凡十
八行行三十九字空一行刻亂曰二行又空一行低
十三字刻歲月及書造人姓名其云石工劉盛息慄
書者劉刻其石而庾子落筆也陳球碑陰書其二故
吏之子亦曰息漢刻惟此碑及武斑與羊寶道碑有
書人姓名宣和殿藏碑錄以楊庾碑為暹漢彊書考
其碑云五官掾南鄭趙邵屬襄中暹漢彊書佐西成
王戒主蓋三人主其事書佐則王戒之職非漢彊書
之也歐陽叔弼以袁逢華廟碑為郭香察書考其碑

云勅都水掾杜遷市石遣書佐郭香察書蓋一人市
其石一人察其書非郭君書之也張稚圭據圖經以
孔廟卒史碑為鍾繇書按此碑以永興元年立繇以
魏太和四年卒相去亦七十餘年謂之繇書者非也
天下碑錄以周公禮殿記為鍾會書按此碑以初平
五年立魏書云會以正始中為尚書郎注謂之弱冠
登朝蓋已在初平四十年之後矣謂之會所書者非
也北史江式云魏邯鄲淳以書教皇子建三字石經
於漢碑西按此碑以正始三年立漢書云元嘉元年
度尚命邯鄲淳作曹娥碑時淳已弱冠自元嘉至正


始亦九十餘年式以三字為魏碑則是謂之邯鄲所
書則非也其它雜書指劉熊王建詩老子周越法范武
李嗣真州輔帖汝夏承臨汝帖魯峻譙敏並碑等碑皆云
蔡中郎所書或字體之不類或時代之遠絕蓋不辨
而自決至若魏受禪勸進碑或以為鍾繇或以為梁
鵠凡非出於本碑者皆不足信也



右柳敏碑十四行行二十六字凡碑廣一尺則此為
一寸其崇亦如之朱尉為首龜蛇為趺



右柳敏碑陰其上刻一禽若鳳其下則麟也中有牛首銜環兩旁凡六玉其右則瑁圭璧其左則琮璋璜




右益州大守無名碑上下有朱爵元武左右有龍虎文七行行四十一字故吏門生題名九行行六人

右益州大守碑陰所刻者五玉而三獸鼎列其中其一則九尾狐也下有一牛首其右有題名三人




右六玉碑其上有鳥三足狐九尾其下則二驢有一人跨其右者最下一牛首蜀人謂之雙排六玉碑





右一碑與六玉同一石在馮緄墓道中蜀人謂之六物碑其上朱爵而下元武其中沒字非漫滅也



右單排六玉碑上下有朱鳥元武蜀人既以前碑為雙排而謂此為單排恐亦是馮緄墓道中物也


右金廣延母徐氏碑上若有額已漫滅而石紋尚存
 兩旁有龍虎其辭十八行行三十五字




素
卷第五
右廣漢屬國造橋碑有二人坐於上若賓主之容蓋
辛李二君也中有一器其後各有使令者一人上有
題字已磨滅所餘府卿明府四字畫像之下橫刻二
君官氏凡二十六字其下有文十七行行三十七字
明君明府皆平闕我君高遷之句君字亦平闕其後
有題名五行



右是邦雄桀碑其上刻麟其下則牛首碑十一行行
二十六字有以兩字居一字地位者其後空三行許



右沒字碑是邦雄桀之陰也與馮緄墓道一碑相類
非磨滅者朱爵在其上龜蛇在其下



右高頤碑兩螭蟠其首文在穿下凡十八行行二十
一字題額則繇字二行

素絲
卷第五



右費鳳碑篆額三行在穿之右其左有物如螭垂其
首者三文九行行三十五字中分其石此銘居其半
其餘則低三字載施業戚忠之事又七行行四十四
字題名五行行二人碑陰二十二行行二十七字



素絲
卷第五

右陳球碑篆額二行黑字圭首甚大一暈覆之其右復有二暈文在穿下凡十九行後有裂者石又下斷所存者行二十四字碑陰穿暈皆同縱橫亦有裂文前行書二人之事餘存二十行行二人復有一碑篆額二行穿暈略同文二十行行三十七字其下亦有斷者



右宗俱碑篆額二行有暈三重暈之左則穿之中也其右二重纜有其半文在暈下穿在文中凡三行各廢三字其文二十行行四十字

漢書
王君土碑



右王純碑篆額二行黑字當穿之中有小黑紋額之
兩旁為椎拓者所去其文十三行行三十五字

漢書
右孔彪君碑




右孔彪碑篆額兩行額下有穿穿下有文兩旁有暈
起於圭首之半至篆文處則沒其文十八行後餘二
行行四十五字有欄界如弈棋之局



右趙園令碑隸額二行暈三重唯內一重自右達于左漢碑圭首多若是唯中穿相去有遠近不同者文十三行行十九字末行空八字書年月與下一字齊




右淳于長碑圭首之上有暈二重自右周于左其左復有一重篆額三行黑字其文十四行行二十七字



右婁先生碑篆額一行文在暈下穿在文中三行之
 內所廢者六字凡十三行行二十五字碑陰十五行
 行四人



右秦頡碑中有篆額兩行其暈兩重皆至額而止不
 相接文字多漫滅後有題名數行



右中部碑隸額一行偏其左額上有白暈一重其右復有兩暈不匝字在暈下穿在字中所廢者三行各四字





右義井碑圭首在右額之上有暈一重左有半暈者四凡二十三行行三十七字碑陰重暈亦同每行五人中無闕空有名氏字多者則侵用下列題名之下又有記事之辭

右孔謙碣甚小一穿微偏左有暈一重起於穿中復
 有兩暈在右其一甚短與它碑小異文八行行十字
 後餘兩行



右唐公房碑圭首偏右其內有暈一重又兩重在其
 左暈下脚去穿頗遠穿下即刻文所存者十七行行
 三十一字其後石已裂篆額二行碑陰一橫十五人





右郭輔碑篆額一行其圭首亦偏左方右暈三重左一重字接暈下凡十一行行三十字穿在第一字之下銘後三行各廢三字自額之左皆文之餘





右李翕五瑞碑所圖者黃龍白鹿連理嘉禾有一人承甘露于喬木之下左方有題字二行

隸續第五卷十七






右山陽麟鳳瑞像右鳳而左麟其下各刻一贊其陰
又刻銘辭皆小篆兩旁有隸字其篆云永建元年季
秋七月饗時山陽大守河內孫君見碑不合禮掾夔
造新刻瑞像麟鳳其銘辭曰漢盛德中興即政二年
辛酉之部首歷六十麟青龍起蟬媽三月季春爰易
立碑石順禮典文九九應度數萬世常存爾雅注單
闕音丹過一音蟬媽永建二年歲在丁卯故此碑用
蟬媽字米元章畫史云此圖半篆半隸麟一角上高
如足翹如惡馬鳳冠高尾長甚可怪也以詩題之曰
非篆非科璞已凋形容振振與蕭蕭曾因忠厚方周

德坐想訐謨覽舜韶漢德已衰還應孽魯邦既弱不
 為妖虛齋自是驚人玩不勝雄狐逐怒鵙漢碑有麟
 鳳者不特此一碑元章特未之見耳







右麒麟鳳皇碑各以二字題其上漢人所圖二瑞獨
 此最為奇偉其一雜之故鄉書皮中尋之未至




右大嚮記古文額一行額之兩旁有白紋貫于上下
 外有暈兩重不過額其文十二行行十七字非全碑
 也黃初三年及千秋萬代字平闕



右左右生題名碑額無字穿上有朱鳥其旁有龍虎
又其上有雙鳳翔舞之狀晉宋間所刻者歐公誤以
為漢碑錄釋已棄不收以其碑首刻畫清新故錄之





右沈府君二神道其上皆刻朱鳥其下則右刻元武左刻一獸之首若虎而角環在口已闕其爪據之



漢太尉車騎將軍特
諱寬字文饒




漢太尉車騎將軍特
進昭烈侯劉公神道



右劉寬神道二刻隸字各二行其上皆有螭左右相向其下有一獸之面兩旁頗不具或是打碑人所省



漢故先靈侍御史河內緄令王君稚子闕




漢故兗州刺史雒陽令王君稚子之闕

漢書

卷第五

三四

右王稚子二闕其右則騎而西者二人其左則乘車而東者二人挽之者橐佗也王君平生官簿互見於兩闕之上




右江原長碑其下一獸銜環其文三行以左為首似亦是墓闕也

右金恭闕上刻一禽三足次橫刻金君姓名次刻一人執扇乘馬似是金君也旁有龍虎銜環其下斷裂




漢故平其
 令董君闕





隸續第五卷二十七



右不其令董君闕所畫者子孫展墓之狀有僕馬休
 于松菽之下所題八字其左復有四五小字不可辨
 碑錄所載童君雙石闕字此蓋其一也其一則云童
 恢琅邪人隸文董字下著童碑錄及范史誤去其
 十張駒云嘗見不其令一碑數百言其字大小如防
 東尉司馬君碑亦多漫滅者當是彼一闕也



右韋氏神道其上重暈與埋銘同中刻此四字
右碑圖上卷中原漢碑有穿或有暈外無它飾圖
鳥獸龜蛇之形者惟益部有之荆兗間亦有刻人
物於冢墓之石壁者其畫瑞像則有孫李之碑



隸續卷第五



寬政戊午

宗

卷第五

三十九

